

頗梨上湯委下力美反校飾下美反寶鬘下美反戶牖下以階砌下七聲
 枝莖下戶耕反華叢下昨華榮下知其鬚下音須莊瑩下烏定反
 滯下直僉然下七奮迅上音問反下私問反或覆下音福闡明上昌善反

大方廣佛華嚴經卷第七 拱七

于闐國三藏沙門實義難陀譯

普賢三昧品第三

尔時普賢菩薩摩訶薩於如來前坐蓮華藏
 師子之座承佛神力入于三昧此三昧名一
 切諸佛毗盧遮那如來藏身普入一切佛平

何通列

等性能於法界示眾影像廣大無礙同於虛
 空法界海漩靡不隨入出生一切諸三昧法
 普能包納十方法界三世諸佛智光明海皆
 從此生十方所有諸安立海悉能示現含載
 一切佛力解脫諸菩薩智能令一切國土微
 塵普能容受無邊法界成就一切佛功德海

顯示如來諸大願海一切諸佛所有法輪流
 通護持使無斷絕如此世界中普賢菩薩於
 卅尊前入此三昧如是盡法界虛空界十方
 三世微細無礙廣大光明佛眼所見佛力能
 到佛身所現一切國土及此國土所有微塵
 一一塵中有世界海微塵數佛刹一一刹中

有世界海微塵數諸佛一一佛前有世界海
 微塵數普賢菩薩皆亦入此一切諸佛毗盧
 遮那如來藏身三昧尔時一一普賢菩薩皆
 有十方一切諸佛而現其前彼諸如來同聲
 讚言善哉善哉善男子汝能入此一切諸佛
 毗盧遮那如來藏身菩薩三昧佛子此是十

方一切諸佛共加於汝以毗盧遮那如來本
 願力故亦以汝修一切諸佛行願力故所謂
 能轉一切佛法輪故開顯一切如來智慧海
 故普照十方諸安立海悉無餘故令一切眾
 生淨治雜染得清淨故普攝一切諸大國土
 無所著故深入一切諸佛境界無障礙故普

示一切佛功德故能入一切諸法實相增智
慧故觀察一切諸法門故了知一切衆生根
故能持一切諸佛如來教文海故尔時十方
一切諸佛即與普賢菩薩摩訶薩能入一切
智性力智與入法界無邊量智與成就一切
佛境界智與知一切世界海成壞智與知一

切衆生界廣大智與住諸佛甚深解脫無差
別諸三昧智與入一切菩薩諸根海智與知
一切衆生語言海轉法輪詞辯智與普入法
界一切世界海身智與得一切佛音聲智如
此世界中如來前普賢菩薩蒙諸佛與如是
智如是一切世界海及彼世界海一一塵中

拱七

所有普賢悉亦如是何以故證彼三昧法如
是故是時十方諸佛各舒右手摩普賢菩薩
頂其手皆以相好莊嚴妙網光舒香流皎發
復出諸佛種種妙音及以自在神通之事過
現未來一切菩薩普賢願海一切如來清淨
法輪及三世佛所有影像皆於中現如此世

界中普賢菩薩為十方佛所共摩頂如是一
切世界海及彼世界海一一塵中所有普賢
悉亦如是為十方佛之所摩頂尔時普賢菩
薩即從是三昧而起從此三昧起時即從一
切世界海微塵數三昧海門起所謂從知三
世念念無差別善巧智三昧門起從知三世

一切法界所有微塵三昧門起從現三世一
切佛刹三昧門起從現一切衆生舍宅三昧
門起從知一切衆生心海三昧門起從知一
切衆生各別名字三昧門起從知十方法界
處所各差別三昧門起從知一切微塵中各
有無邊廣大佛身雲三昧門起從演說一切

法理趣海三昧門起普賢菩薩從如是等三
昧門起時其諸菩薩一一各得世界海微塵
數三昧海雲世界海微塵數陀羅尼海雲世
界海微塵數諸法方便海雲世界海微塵數
辯才門海雲世界海微塵數修行海雲世界
海微塵數普照法界一切如來功德藏智光

拱七

三

行

明海雲世界海微塵數一切如來諸力智慧
無差別方便海雲世界海微塵數一切如來
一一毛孔中各現衆刹海雲世界海微塵數
一一菩薩示現從兜率天宮歿下生成佛轉
正法輪般涅槃等海雲如此世界中普賢菩
薩從三昧起諸菩薩衆獲如是益如是一切

世界海及彼世界海所有微塵一一塵中悉
亦如是今時十方一切世界海以諸佛威神
力及普賢菩薩三昧力故悉皆微動一一世
界衆寶莊嚴及出妙音演說諸法復於一切
如來衆會道場海中普雨十種大摩尼王雲
何等爲十所謂妙金星幢摩尼王雲光明照
曜摩尼王雲寶輪垂下摩尼王雲衆寶藏現
菩薩像摩尼王雲稱揚佛名摩尼王雲光明
熾盛普照一切佛刹道場摩尼王雲光照十
方種種變化摩尼王雲稱讚一切菩薩功德
摩尼王雲如日光熾盛摩尼王雲悅意樂音
周聞十方摩尼王雲普雨如是十種大摩尼

王雲已一切如來諸毛孔中咸放光明於光
明中而說頌言

普賢徧住於諸刹
一切神通靡不現
普賢恒以種種身
三昧神通方便力
種種三昧現神通
十方國土無遺者
彼刹塵中悉亦然
毗盧遮那之願力
依真而住非國土
示現普身等一切

一切刹中諸佛所
一一神通悉周徧
如一切刹如來所
所現三昧神通事
普賢身相如虛空
隨諸衆生心所欲
獲此無量神通力
悉現其形而詣彼
分身住彼亦無量
一刹那中見多劫
所現神通勝無比
令其觀者悉得見

普賢安住諸大願
一切佛身所有刹
一切衆海無有邊
所現國土皆嚴淨
普賢安住一切刹
震動十方靡不周

拱七

四

一切佛智功德力 種種大法皆成滿
以諸三昧方便門 示已往昔菩提行
如是自在不思議 十方國土皆示現
為顯普入諸三昧 佛光雲中讚功德
尔時一切菩薩眾皆向普賢合掌瞻仰承佛
神力同聲讚言

從諸佛法而出生 亦因如來願力起
真如平等虛空藏 汝已嚴淨此法身
一切佛刹眾會中 普賢徧住於其所
功德智海光明者 等照十方無不見
普賢廣大功德海 徧往十方親近佛
一切塵中所有刹 悉能詣彼而明現

佛子我曹常見汝 諸如來所悉親近
住於三昧實境中 一切國土微塵劫
佛子能以普徧身 悉詣十方諸國土
衆生大海咸濟度 法界微塵無不入
入於法界一切塵 其身無盡無差別
譬如虛空悉周徧 演說如來廣大法

一切功德光明者 如雲廣大殊勝
衆生海中皆往詣 說佛所行無等法
為度衆生於劫海 普賢勝行皆修習
演一切法如大雲 其音廣大靡不聞
國土云何得成立 諸佛云何而出現
及以一切衆生海 願隨其義如實說

此中無量大衆海 悉在尊前恭敬住
為轉清淨妙法輪 一切諸佛皆隨喜
大方廣佛華嚴經世界成就品第四

尔時普賢菩薩摩訶薩以佛神力徧觀察一
切世界海一切衆生海一切諸佛海一切法
界海一切衆生業海一切衆生根欲海一切
諸佛法輪海一切三世海一切如來願力海
一切如來神變海如是觀察已普告一切道
場衆海諸菩薩言佛子諸佛世尊知一切世
界海成壞清淨智不可思議知一切衆生業
海智不可思議知一切法界安立海智不可
思議說一切無邊佛海智不可思議入一切

欲解根海智不可思議一念普知一切三世
 智不可思議顯示一切如來無量願海智不
 可思議示現一切佛神變海智不可思議轉
 法輪智不可思議建立演說海不可思議清
 淨佛身不可思議無邊色相海普照明不可
 思議相及隨好皆清淨不可思議無邊色相

光明輪海具足清淨不可思議種種色相光
 明雲海不可思議殊勝寶皎海不可思議成
 就言音海不可思議示現三種自在海調伏
 成熟一切衆生不可思議勇猛調伏諸衆生
 海無空過者不可思議安住佛地不可思議
 入如來境界不可思議威力護持不可思議

觀察一切佛智所行不可思議諸力圓滿無
 能摧伏不可思議無畏功德無能過者不可
 思議住無差別三昧不可思議神通變化不
 可思議清淨自在智不可思議一切佛法無
 能毀壞不可思議如是等一切法我當承佛
 神力及一切如來威神力故具足宣說為令

衆生入佛智慧海故為令一切菩薩於佛功
 德海中得安住故為令一切世界海一切佛
 自在所莊嚴故為令一切劫海中如來種性
 恒不斷故為令於一切世界海中顯示諸法
 真實性故為令隨一切衆生無量解海而演
 說故為令隨一切衆生諸根海方便令生諸

拱七

六

佛法故為令隨一切衆生樂欲海摧破一切
 障礙山故為令隨一切衆生心行海令淨修
 治出要道故為令一切菩薩安住普賢願海
 中故是時普賢菩薩復欲令無量道場衆海
 生歡喜故令於一切法增長愛樂故令生廣
 大真實信解海故令淨治普門法界藏身故

令安立普賢願海故令淨治入三世平等智
 眼故令增長普照一切世間藏大慧海故令
 生陀羅尼力持一切法輪故令於一切道場
 中盡佛境界悉開示故令開闡一切如來法
 門故令增長法界廣大甚深一切智性故即
 說頌言

智慧甚深功德海
隨諸衆生所應見
十方刹海叵思議
爲化衆生使成熟
佛境甚深難可思
其心樂小著諸有

普現十方無量國
光明徧照轉法輪
佛無量劫皆嚴淨
出興一切諸國土
普示衆生令得入
不能通達佛所悟

若有淨信堅固心
一切諸佛與其力
離諸諂誑心清淨
志欲廣大深信人
安住普賢諸願地
觀察法界如虛空

常得親近善知識
此乃能入如來智
常樂慈悲性歡喜
彼聞此法生欣悅
修行菩薩清淨道
此乃能知佛行處

此諸菩薩獲善利
修餘道者莫能知
衆生廣大無有邊
轉正法輪靡不至
一切刹土入我身
法應觀我諸毛孔

見佛一切神通力
普賢行人方得悟
如來一切皆護念
毗盧遮那境界力
所住諸佛亦復然
我今示汝佛境界

普賢行願無邊際 我已修行得且足
普眼境界廣大身 是佛所行應諦聽
亦時普賢菩薩摩訶薩告諸大衆言諸佛子
世界海有十種事過去現在未來諸佛已說
現說當說何者爲十所謂世界海起具因緣
世界海所依住世界海形狀世界海體性世
界海莊嚴世界海清淨世界海佛出興世界
海劫住世界海劫轉變差別世界海無差別
門諸佛子略說世界海有此十事若廣說者
與世界海微塵數等過去現在未來諸佛已
說現說當說諸佛子略說以十種因緣故一
切世界海已成現成當成何者爲十所謂如
來神力故法應如是故一切衆生行業故一
切菩薩成一切智所得故一切衆生及諸菩
薩同集善根故一切菩薩嚴淨國土願力故
一切菩薩成就不退行願故一切菩薩清淨
勝解自在故一切如來善根所流及一切諸
佛成道時自在勢力故普賢菩薩自在願力

故諸佛子是為略說十種因緣若廣說者有
世界海微塵數尔時普賢菩薩欲重宣其義
承佛威力觀察十方而說頌言

所說無邊眾刹海 毗盧遮那悉嚴淨
世尊境界不思議 智慧神通力如是
菩薩修行諸願海 普隨眾生心所欲

眾生心行廣無邊 菩薩國土徧十方
菩薩趣於一切智 勤修種種自在力
無量願海普出生 廣大刹土皆成就
修諸行海無有邊 入佛境界亦無量
為淨十方諸國土 一一土經無量劫
眾生煩惱所擾濁 分別欲樂非一相

隨心造業不思議 一切刹海斯成立
佛子刹海莊嚴藏 離垢光明寶所成
斯由廣大信解心 十方所住咸如是
菩薩能修普賢行 遊行法界微塵道
塵中悉現無量刹 清淨廣大如虛空
等虛空界現神通 悉詣道場諸佛所

蓮華座上示眾生 一身包一切刹
一念普現於三世 一切刹海皆成立
佛以方便悉入中 此是毗盧所嚴淨

尔時普賢菩薩復告大眾言諸佛子一一世
界海有世界海微塵數所依住所謂或依一
切莊嚴住或依虛空住或依一切寶光明住
或依一切佛光明住或依一切寶色光明住
或依一切佛音聲住或依如幻業生大力阿
脩羅形金剛手住或依一切世主身住或依
一切菩薩身住或依普賢菩薩願所生一切
差別莊嚴海住諸佛子世界海有如是等世
界海微塵數所依住尔時普賢菩薩欲重宣
其義承佛威力觀察十方而說頌言

徧滿十方虛空界 所有一切諸國土
如來神力之所加 處處現前皆可見
或有種種諸國土 無非離垢寶所成
清淨摩尼最殊妙 熾然普現光明海
或有清淨光明刹 依止虛空界而住

卅七

九

或在摩尼寶海中 復有安住光明藏
 如來處此眾會海 演說法輪皆巧妙
 諸佛境界廣無邊 眾生見者心歡喜
 有以摩尼作嚴飾 狀如華燈廣分布
 香燄光雲色熾然 覆以妙寶光明網
 或有刹土無邊際 安住蓮華深大海
 廣博清淨與世殊 諸佛妙善莊嚴故
 或有刹海隨輪轉 以佛威神得安住
 諸菩薩眾徧在中 常見無央廣大寶
 或有住於金剛手 或復有住天主身
 毗盧遮那無上尊 常於此處轉法輪
 或依寶樹平均住 香燄雲中亦復然
 或有依諸大水中 有住堅固金剛海
 或有依止金剛幢 或有住於華海中
 廣大神通無不周 毗盧遮那此能現
 或修或短無量種 其相旋環亦非一
 妙莊嚴藏與世殊 清淨修治乃能見
 如是種種各差別 一切皆依願海住

或有國土常在空 諸佛如雲悉充徧
 或有在空懸覆住 或時而有或無有
 或有國土極清淨 住於菩薩寶冠中
 十方諸佛大神通 一切皆於此中見
 諸佛音聲咸徧滿 斯由業力之所化
 或有國土周法界 清淨離垢從心起
 如影如幻廣無邊 如因陀網各差別
 或現種種莊嚴藏 依止虛空而建立
 諸業境界不思議 佛力顯示皆令見
 一一國土微塵內 念念示現諸佛刹
 數皆無量等眾生 普賢所作恒如是
 為欲成熟眾生故 是中修行經劫海
 廣大神變靡不興 法界之中悉周徧
 法界國土一一塵 諸大刹海住其中
 佛雲平等悉彌覆 於一切處咸充滿
 如一塵中自在用 一切塵內亦復然
 諸佛菩薩大神通 毗盧遮那悉能現
 一切廣大諸刹土 如影如幻亦如燄

拱七

十

十方不見所從生 亦復無來無去處
 滅壞生成牙循復 於虛空中無暫已
 莫不皆由清淨願 廣大業力之所持
 今時普賢菩薩復告大眾言諸佛子世界海
 有種種差別形相所謂或圓或方或非圓方
 無量差別或如水漩形或如山峩形或如樹
 形或如華形或如宮殿形或如衆生形或如
 佛形如是等有世界海微塵數今時普賢菩
 薩欲重宣其義承佛威力觀察十方而說頌
 言

諸國土海種種別 種種莊嚴種種住
 殊形共美徧十方 汝等咸應共觀察
 其狀或圓或有方 或復三維及八隅
 摩尼輪狀蓮華等 一切皆由業令異
 或有清淨皎莊嚴 真金間錯多殊好
 門闥競開無擁滯 斯由業廣意無雜
 刹海無邊差別藏 譬如雲布在虛空
 寶輪布地妙莊嚴 諸佛光明照耀中

一切國土心分別 種種光明而照現
 佛於如是刹海中 各各示現神通力
 或有雜染或清淨 受苦受樂各差別
 斯由業海不思議 諸流轉法恆如是
 一毛孔內難思刹 等微塵數種種住
 一一皆有徧照尊 在衆會中宣妙法
 於一塵中大小刹 種種差別如塵數
 平坦高下各不同 佛悉往詣轉法輪
 一切塵中所現刹 皆是本願神通力
 隨其心樂種種殊 於虛空中悉能作
 一切國土所有塵 一一塵中佛皆入
 普為衆生起神變 毗盧遮那法如是

今時普賢菩薩復告大眾言諸佛子應知世
 界海有種種體所謂或以一切質莊嚴為體
 或以一寶種種莊嚴為體或以一切寶光明
 為體或以種種色光明為體或以一切莊嚴
 光明為體或以不可壞金剛為體或以佛力
 持為體或以妙寶相為體或以佛變化為體

或以日摩尼輪為體或以極微細寶為體或以一切寶燄為體或以種種香為體或以一切寶華冠為體或以一切寶影像為體或以一切莊嚴所示現為體或以一念心普示現境界為體或以菩薩形寶為體或以寶華藥為體或以佛言音為體今時普賢菩薩欲重

宣其義承佛威力觀察十方而說頌言

或有諸刹海 妙寶所合成 堅固不可壞

安住寶蓮華 或是淨光明 出生不可知

一切光莊嚴 依止虛空住 或淨光為體

復依光明住 光雲作嚴飾 菩薩共遊處

或有諸刹海 從於願力生 猶如影像住

取說不可得 或以摩尼成 普放日藏光

珠輪以嚴地 菩薩悉充滿 有利寶燄成

燄雲覆其上 眾寶光殊妙 皆由業所得

或從妙相生 眾相莊嚴地 如冠共持戴

斯由佛化起 或從心海生 隨心所解住

如幻無處所 一切是分別 或以佛光明

摩尼光為體 諸佛於中現 各起神通力
或普賢菩薩 化現諸刹海 願力所莊嚴
一切皆殊妙

今時普賢菩薩復告大眾言諸佛子應知世
界海有種種莊嚴所謂或以一切莊嚴具中
出上妙雲莊嚴或以說一切菩薩功德莊嚴

卅七

十一

或以說一切眾生業報莊嚴或以示現一切
菩薩願海莊嚴或以表示一切三世佛影像
莊嚴或以一念頃示現無邊劫神通境界莊
嚴或以出現一切佛身莊嚴或以出現一切
寶香雲莊嚴或以示現一切道場中諸珍妙
物光明照耀莊嚴或以示現一切普賢行願
莊嚴如是等有世界海微塵數今時普賢菩
薩欲重宣其義承佛威力觀察十方而說頌
言

廣大刹海無有邊 皆由清淨業所成
種種莊嚴種種住 一切十方皆徧滿
無邊色相寶燄雲 廣大莊嚴非一種

十方刹海常出現
 菩薩無邊功德海
 此土俱時出妙音
 衆生業海廣無量
 於一切處莊嚴中
 三世所有諸如來

普演妙音而說法
 種種大願所莊嚴
 普震十方諸刹網
 隨其感報各不同
 皆由諸佛能演說
 神通普現諸刹海

一一事中一切佛
 過去未來現在劫
 於彼所有大莊嚴
 一切事中無量佛
 爲令調伏起神通
 一切莊嚴吐妙雲

如是嚴淨汝應觀
 十方一切諸國土
 一一皆於刹中見
 數等衆生徧世間
 以此莊嚴國土海
 種種華雲香燄雲

摩尼寶雲常出現
 十方所有成道處
 流光布迥若彩雲
 普賢願行諸佛子
 無邊國土悉莊嚴
 爾時普賢菩薩復告大衆言諸佛子應知世

刹海以此爲嚴飾
 種種莊嚴皆具足
 於此刹海咸令見
 等衆生劫勤修習
 一切處中皆顯現

界海有世界海微塵數清淨方便海所謂諸
 菩薩親近一切善知識同善根故增長廣大
 功德雲徧法界故淨修廣大諸勝解故觀察
 一切菩薩境界而安住故修治一切諸波羅
 蜜悉圓滿故觀察一切菩薩諸地而入住故
 出生一切淨願海故修習一切出要行故入

於一切莊嚴海故成就清淨方便力故如是
 等有世界海微塵數爾時普賢菩薩欲重宣
 其義承佛威力觀察十方而說頌言

一切刹海諸莊嚴 無數方便願力生
 一切刹海常光耀 無量清淨業力起
 久遠親近善知識 同修善業皆清淨

慈悲廣大徧衆生 以此莊嚴諸刹海
 一切法門三昧等 禪定解脫方便地
 於諸佛所悉淨治 以此出生諸刹海
 發生無量決定解 能解如來等無異
 忍海方便已修治 故能嚴淨無邊刹
 爲利衆生修勝行 福德廣大常增長

譬如雲布等虛空 一切刹海皆成就
諸度無量等刹塵 悉已修行令具足
願波羅蜜無有盡 清淨刹海從此生
淨修無等一切法 生起無邊出要行
種種方便化群生 如是莊嚴國土海
修習莊嚴方便地 入佛功德法門海

普使衆生竭苦源 廣大淨刹皆成就
力海廣大無與等 普使衆生種善根
供養一切諸如來 國土無邊悉清淨

今時普賢菩薩復告大衆言諸佛子應知
一世界海有世界海微塵數佛出現差別所
謂或現小身或現大身或現短壽或現長壽

或唯嚴淨一佛國土或有嚴淨無量佛土或
唯顯示一乘法輪或有顯示不可思議諸乘
法輪或現調伏少分衆生或示調伏無邊衆
生如是等有世界海微塵數今時普賢菩薩
欲重宣其義承佛威力觀察十方而說頌言
諸佛種種方便門 出興一切諸刹海

皆隨衆生心所樂 此是如來善權力
諸佛法身不思議 無色無形無影像
能爲衆生現衆相 隨其心樂悉令見
或爲衆生現短壽 或現住壽無量劫
法身十方普現前 隨宜出現於世間
或有嚴淨不思議 十方所有諸刹海

或唯嚴淨一國土 於一示現悉無餘
或隨衆生心所樂 示現難思種種乘
或有唯宣一乘法 一中方便現無量
或有自然成正覺 令少衆生住於道
或有能於一念中 開悟群迷無有數
或於毛孔出化雲 示現無量無邊佛

一切世間皆現觀 種種方便度群生
或有言音普周徧 隨其心樂而說法
不可思議大劫中 調伏無量衆生海
或有無量莊嚴國 衆會清淨儼然坐
佛如雲布在其中 十方刹海靡不充
諸佛方便不思議 隨衆生心悉現前

普住種種莊嚴刹

一切國土皆周徧

尔時普賢菩薩復告大衆言諸佛子應知世界海有世界海微塵數劫住所謂或有阿僧祇劫住或有無量劫住或有無邊劫住或有無等劫住或有不可數劫住或有不可稱劫住或有不可思劫住或有不可量劫住或有

不可說劫住如是等有世界海微塵數尔時普賢菩薩欲重宣其義承佛威力觀察十方而說頌言

世界海中種種劫	廣大方便所莊嚴
十方國土咸觀見	數量差別悉明了
我見十方世界海	劫數無量等衆生
或長或短或無邊	以佛音聲今演說
我見十方諸刹海	或住國土微塵劫
或有一劫或無數	以願種種各不同
或有純淨或純染	或復染淨二俱雜
願海安立種種殊	住於衆生心想中
往昔修行刹塵劫	獲大清淨世界海

諸佛境界具莊嚴 永住無邊廣大劫
有名種種寶光明 或各等音眩眼藏
離塵光明及賢劫 此清淨劫攝一切
有清淨劫一佛興 或一劫中無量現
無盡方便大願力 入於一切種種劫
或無量劫入一劫 或復一劫入多劫

一切劫海種種門 十方國土皆明現
或一切劫莊嚴事 於一劫中皆現觀
或一劫內所莊嚴 普入一切無邊劫
始從一念終成劫 悉依衆生心想生
一切刹海劫無邊 以一方便皆清淨

尔時普賢菩薩復告大衆言諸佛子應知世界海有世界海微塵數劫轉變差別所謂法如是故世界海無量成壞劫轉變染汗衆生住故世界海成染汗劫轉變修廣大福衆生住故世界海成染淨劫轉變信解菩薩住故世界海成染淨劫轉變無量衆生發菩提心故世界海純清淨劫轉變諸菩薩各各遊諸

拱六

六

世界故世界海無邊莊嚴劫轉變十方一切
世界海諸菩薩雲集故世界海無量大莊嚴
劫轉變諸佛世尊入涅槃故世界海莊嚴滅
劫轉變諸佛出現於世故一切世界海廣博
嚴淨劫轉變如來神通變化故世界海普清
淨劫轉變如是等有世界海微塵數劫時普

賢菩薩欲重宣其義承佛威力觀察十方而
說頌言

一切諸國土	皆隨業力生	汝等應觀察
轉變相如是	染汗諸衆生	業惑纏可怖
彼心令刹海	一切成染汗	若有清淨心
修諸福德行	彼心令刹海	雜染及清淨
信解諸菩薩	於彼劫中生	隨其心所有
雜染清淨者	無量諸衆生	悉發菩提心
彼心令刹海	住劫恒清淨	無量億菩薩
往詣於十方	莊嚴無有殊	劫中差別見
一一微塵內	佛刹如塵數	菩薩共雲集
國土皆清淨	世尊入涅槃	彼土莊嚴滅

衆生無法器 世界成雜染 若有佛與世
一切悉坏好 隨其心清淨 莊嚴皆具足
諸佛神通力 示現不思議 是時諸刹海
一切普清淨

尔時普賢菩薩復告大衆言諸佛子應知世
界海有世界海微塵數無差別所謂一一世

共七

十七

界海中有世界海微塵數世界無差別一一
世界海中諸佛出現所有威力無差別一一
世界海中一切道場徧十方法界無差別一
一世界海中一切如來道場衆會無差別一
一世界海中一切佛光明徧法界無差別一
一世界海中一切佛變化名号無差別一
一世界海中一切佛音聲普徧世界海無邊
劫住無差別一一世界海中法輪方便無差
別一一世界海中一切世界海普入一塵無
差別一一世界海中一一微塵一切三世諸
佛世尊廣大境界皆於中現無差別諸佛子
世界海無差別略說如是若廣說者有世界

海微塵數無差別賢菩薩欲重宣其義承佛
威力觀察十方而說頌言

一微塵中多刹海 處所各別悉嚴淨
如是無量入一中 一一區分無雜越
一一塵內難思佛 隨衆生心普現前
一切刹海靡不周 如是方便無差別

一一塵中諸樹王 種種莊嚴悉垂布
十方國土皆同現 如是一切無差別
一一塵內微塵衆 悉共圍繞人中主
出過一切徧世間 亦不迫隘相雜亂
一一塵中無量光 普徧十方諸國土
息現諸佛菩提行 一切刹海無差別

一一塵中無量身 變化如雲普周徧
以佛神通導群品 十方國土亦無別
一一塵中說衆法 其法清淨如輪轉
種種方便自在門 一切皆演無差別
一塵普演諸佛音 充滿法器諸衆生
徧住刹海無央劫 如是音聲亦無異

刹海無量妙莊嚴 於一塵中無不入
如是諸佛神通力 一切皆由業性起
一一塵中三世佛 隨其所樂悉令見
體性無來亦無去 以願力故徧世間

大方廣佛華嚴經卷第七 拱七 十末

我曹昨勞切擾濁如細反懸覆夫伏反開闡昌善反平均反壅滯
於拱反布迫戶並反純淨常倫反八隅牛俱反
但經中品題上有大方廣佛華經七字惣題若
準清涼大疏不列凡有安惣題者皆合削去今諸
本皆有故且有之

大方廣佛華嚴經卷第八 拱八

于闐國三藏沙門寶叉難陀譯

華嚴世界品第五之一

孫仁

尔時普賢菩薩復告大衆言諸佛子此華嚴
莊嚴世界海是毗盧遮那如來往昔於世界
海微塵數劫修菩薩行時一一劫中親近世